



ПРАВОСЛАВНЫЙ  
МОЛТВОСЛОВ



МОЛИТВЫ  
НА ВСЯКУЮ ПОТРЕБУ

Сборник

**Православный молитвослов.  
Молитвы на всякую потребу**

«Московское Троицкое Подворье Свято-Троицкой  
Сергиевой Лавры Русской Православной Церкви»

2008

УДК 27-282.5  
ББК 86.372

## **Сборник**

Православный молитвослов. Молитвы на всякую потребу /  
Сборник — «Московское Троицкое Подворье Свято-Троицкой  
Сергиевой Лавры Русской Православной Церкви», 2008

ISBN 978-5-7789-0222-0

По слову свт. Иоанна Златоуста, молитва укрощает силу огненную, расторгает узы смерти, прогоняет болезни, отражает нападения, спасает грады от землетрясения, обращает всякого рода бедствие. Молитва – это дыхание души. Настоящее издание Православного молитвослова содержит помимо основных молитвословий тематически объединенные псалмы, молитвы и акафисты на разные случаи жизни: об исцелении телесных и душевных недугов, об устройении духовной жизни, о детях и семейном благополучии, о помощи в скорбях и искушениях и др. В Приложении публикуется указатель святых, коим Господь даровал особую благодать подавать нам скорую помощь в различных нуждах.

УДК 27-282.5

ББК 86.372

ISBN 978-5-7789-0222-0

© Сборник, 2008  
© Московское Троицкое Подворье  
Свято-Троицкой Сергиевой Лавры  
Русской Православной Церкви, 2008

## Содержание

Молитвы утренние	7
Молитвы в продолжение дня	15
Молитва Иисусова	15
Молитва святого Ефрема Сирина	16
Молитва Оптинских старцев	17
Ежедневная молитва святителя Филарета Московского	18
Молитва перед выходом из дома	19
Молитвы перед началом всякого доброго дела	20
Молитвы по окончании всякого дела	21
Молитвы перед учением	22
Молитвы после учения	23
Молитвы перед вкушением пищи	24
Молитва на благословение пищи и питья мирянами	25
Молитва после вкушения пищи	26
Благодарение за всякое благодеяние Божие	27
Об умножении любви и искоренении ненависти и всякой злобы	28
О ненавидящих и обидящих нас	29
О путешествующих	30
О болящих	31
Об усопших	32
Правило от осквернения	33
Молитвы на сон грядущим	36
Каноны	42
Акафист Сладчайшему Господу Нашему Иисусу Христу[6]	49
Конец ознакомительного фрагмента.	57

**Православный молитвослов.  
Молитвы на всякую потребу  
Составитель Елена Синельщикова**



*По благословению Святейшего Патриарха Московского и всея Руси Алексия II*



**ПРАВОСЛАВНЫЙ  
МОЛИТВОСЛОВ  
МОЛИТВЫ  
НА ВСЯКУЮ ПОТРЕБУ**

## Молитвы утренние

*Встав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

*Во имя Отца, и Сына, и Святаго Духа. Аминь.*

*Затем немного помедли, пока все чувства твои не придут в тишину и мысли твои не оставят все земное, и тогда без поспешности и со вниманием сердечным произноси следующие молитвы:*

### Молитва мытаря

Боже, милостив буди мне, грешному.

### Молитва предначинательная

Господи Иисусе Христе, Сыне Божий, молишь ради Пречистой Твоей Матере и всех святых, помилуй нас. Аминь.

Слава Тебе, Боже наш, слава Тебе.

### Молитва Святому Духу<sup>1</sup>

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

### Трисвятое

Святой Боже, Святой Крепкий, Святой Безсмертный, помилуй нас.

*(Чтется трижды, с крестным знаменем и поясным поклоном.)*

Слава Отцу, и Сыну, и Святому Духу, и ныне и присно, и во веки веков. Аминь.

### Молитва ко Пресвятой Троице

Пресвятая Троице, помилуй нас: Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава, и ныне<sup>2</sup>:

---

<sup>1</sup> От Пасхи до Вознесения вместо этой молитвы читается тропарь: Христос воскрес из мертвых, смертию смерть поправ и сущим во гробех живот даровав. *(Трижды.)* От Вознесения до Троицы молитвы начинают со Святым Боже, опуская все предшествующие. Это замечание относится и к молитвам на сон грядущим.

<sup>2</sup> Когда написано: Слава, и ныне: следует читать: Слава Отцу, и Сыну, и Святому Духу, и ныне и присно, и во веки веков. Аминь.

## Молитва Господня

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари Троичные

Воставше от сна, припадаем Ти, Блаже, и Ангельскую песнь вопиём Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Свята́я Троице: Свят, Свят, Свят еси, Боже, Богородицею помилуй нас.

И ныне: Внезапно Судия придет, и когѣмуде деяния обнажатся, но страхом зовѣм<sup>3</sup> в полунощи: Свят, Свят, Свят еси, Боже, Богородицею помилуй нас.

Господи, помилуй. (12 раз.)

## Молитва ко Пресвятой Троице

От сна встав, благодарю Тя, Свята́я Троице, яко многия ради Твоея благодати и долготерпения не прогневался еси на мя, лениваго и грешнаго, ниже погубил мя еси со беззаконными моими; но человеколюбствовал еси обычно и в нечаянии лежащаго воздвигл мя еси, во еже утревати и славословити державу Твою. И ныне просвети мои очи мысленныя, отверзи моя уста поучатися словесем Твоим, и разумети заповеди Твоя, и творити волю Твою, и пети Тя во исповедании сердцем, и воспевати всесвятѣе имя Твое, Отца, и Сына, и Святаго Духа, ныне и присно, и во веки веков. Аминь.

Приидите, поклонимся Царевни нашему Богу. (Поклон.)

Приидите, поклонимся и припадѣм Христу, Царевни нашему Богу. (Поклон.)

Приидите, поклонимся и припадѣм Самому Христу, Царевни и Богу нашему. (Поклон.)

## Псалом 50

Помилуй мя, Боже, по велицей милости Твоей и по множеству щедрот Твоих очисти беззаконие мое. Наипаче омый мя от беззакония моего и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих; яко да оправдишися во словесех Твоих, и победиши, внегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже

---

<sup>3</sup> Читая церковнославянский текст, следует произносить слова так, как они напечатаны: [зовѣм], а не [завѣм]; [твоѣ], а не [тваѣ]; [святаго], а не [светова] и т. д.

спасения моего; возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

### **Символ веры**

<sup>1</sup>Верую во единого Бога Отца Вседержителя, Творца небу и земли, видимым же всем и невидимым. <sup>2</sup>И во единого Господа Иисуса Христа, Сына Божия, Единородного, Иже от Отца рожденного прежде всех век: Света от Света, Бога истинна от Бога истинна, рождена, несотворенна, единосущна Отцу, Имже вся быша. <sup>3</sup>Нас ради человек и нашего ради спасения сшедшаго с Небес и воплотившагося от Духа Свята и Марии Девы, и вочеловечшася. <sup>4</sup>Распятаго же за ны при Понтийстем Пилате, и страдавша, и погребенна. <sup>5</sup>И воскресшаго в третий день по Писанием. <sup>6</sup>И возшедшаго на Небеса, и седяща одесную Отца. <sup>7</sup>И паки грядущаго со славою судити живым и мертвым, Егоже Царствию не будет конца. <sup>8</sup>И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. <sup>9</sup>Во едину Святуу, Соборную и Апостольскую Церковь. <sup>10</sup>Исповедую едино крещение во оставление грехов. <sup>11</sup>Чаю воскресения мертвых, <sup>12</sup>и жизни будущего века. Аминь.

### **Молитва первая, святого Макария Великого**

Боже, очисти мя, грешнаго, яко николиже сотворих благое пред Тобою; но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца, и Сына, и Святаго Духа, ныне и присно, и во веки веков. Аминь.

### **Молитва вторая, того же святого**

От сна встав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лениности ускорив возстави, и спаси мя в предстоянии и молитве, и по сне ночнем возсияй ми день безгрешен, Христэ Боже, и спаси мя.

### **Молитва третья, того же святого**

К Тебе, Владыко Человеколюбче, от сна встав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно, и во веки веков. Аминь.

### **Молитва четвертая, того же святого**

Гбсподи, Иже мно́гою Твое́ю блага́стию и вели́кими щедро́тами Твои́ми дал еси́ мне, рабу́ Твоему́, мимоше́дшее вре́мя но́щи сея́ без напа́сти преи́ти от всяка́го зла противна; Ты Сам, Влады́ко, всяческих Творче, сподоби́ мя и́стинным Твои́м све́том и просвеще́нным се́рдцем твори́ти во́лю Твою́, ны́не и при́сно, и во ве́ки веко́в. Ами́нь.

### **Молитва пятая, святого Василия Великого**

Гбсподи Вседержи́телю, Бо́же Сил и вся́кия плóти, в вы́шних живы́й и на смире́нныя призира́й, се́рдца же и утробы́ испыту́й и сокрове́нная челове́ков я́ве предвѣды́, Безнача́льный и Присносу́щный Све́те, у Него́же несть премене́ние, или́ преложѣ́ния осене́ние; Сам, Безсме́ртный Царю́, приими́ моле́ния на́ша, я́же в настоя́щее вре́мя, на мно́жество Твои́х щедро́т держа́юще, от скве́рных к Тебе́ усте́н творим, и оста́ви нам прегреше́ния на́ша, я́же де́лом, и слóвом, и мы́слию, ве́дением или́ неве́дением согреше́нная на́ми; и очисти́ ны от вся́кия скве́рны плóти и ду́ха. И да́руй нам бо́дренным се́рдцем и трѣзвенною мы́слию всю́ настоя́щаго жити́я но́щь преи́ти, ожида́ющим прише́ствия све́тлаго и явле́ннаго дне Единоро́днаго Твоего́ Сы́на, Гбспода и Бо́га и Спа́са на́шего Иису́са Христа́, в о́ньже со сла́вою Судия́ всех приидет кому́ждо возда́ти по делóм егó; да не па́дше и обленивше́ся, но бо́дрствующе и воздви́жени в де́лание обря́щемся гото́ви, в ра́дость и Божѣ́ственный черто́г сла́вы Егó совни́дем, иде́же пра́зднующих глас непреста́нный и неизрече́нная сла́дость зря́щих Твоего́ лица́ добро́ту неизрече́нную. Ты бо еси́ и́стинный Свет, просвеща́й и освяща́й вся́ческая, и Тя поёт́ вся тварь во ве́ки веко́в. Ами́нь.

### **Молитва шестая, того же святого**

Тя благослови́м, вы́шний Бо́же и Гбсподи́ ми́лости, творя́щаго при́сно с на́ми вели́кая же и неизсле́дованная, сла́вная же и ужа́сная, ихже несть числа́, пода́вшего нам сон во упоко́ение немо́щи на́шея и ослабле́ние трудо́в многотру́дныя плóти. Благодарим́ Тя, я́ко не погуби́л еси́ нас со беззакóнными на́шими, но человеколю́бствовал еси́ обы́чно и в неча́янии лежа́щая ны воздви́гл еси́, во е́же славослóвити держа́ву Твою́. Те́мже мо́лим безме́рную Твою́ блага́сть: просвети́ на́ша мы́сли, очеса́, и ум наш от тяжка́го сна ле́ности возста́ви: отве́рзи на́ша уста́ и испóлни я́ Твоего́ хвале́ния, я́ко да возмо́жем непоколе́блемо пе́ти же и испове́датися Тебе́, во всех и от всех сла́вимому Бо́гу, Безнача́льному Отцу́, со Единоро́дным Твои́м Сы́ном и Всесвяты́м и Благим́ и Животворя́щим Твои́м Ду́хом, ны́не и при́сно, и во ве́ки веко́в. Ами́нь.

### **Молитва седьмая, ко Пресвятой Богородице**

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пе́сни укрепи́, уны́ния сон отгоня́ющи. Свя́зана плени́цами грехопаде́ний, мольба́ми Твои́ми разреши́, Богоневѣсто. В но́щи мя и во дни сохра́най, борю́щих враг изба́вляющи мя. Жизнода́теля Бо́га рóждшая, умерщвле́на мя страстьми́ оживи́. Я́же Свет невече́рний рóждшая, ду́шу мою́ ослѣпшую просвети́. О дивная Влады́чняя пала́то, дом Ду́ха Божѣ́ственна мене́ сотвори́. Врача́ рóждшая, уврачу́й души́ моея́ многоле́тняя стра́сти. Волну́ющая житей́скою бу́рею ко стези́ мя пока́яния напра́ви. Изба́ви мя огня́ ве́чнующаго, и че́рвия же зла́го, и та́ргара. Да мя не яви́ши бесо́м ра́дование, и́же мно́гим

грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя и всех Владыку умоли. Небесная ми улучшить веселия со всеми святыми сподоби. Пресвятая Дево, услыши глас непотребного раба Твоего. Струю давай мне слезам, Пречистая, души моя скверну очищаючи. Стенания от сердца приношу Ти непрестанно, усердствуй, Владычице. Молэбную службу мою приими и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Все непорочная. Душетленных мя пакостей избави, Христа прилэжно умоляючи; Ему же честь и поклонение подобает, ныне и присно, и во веки веков.

Аминь.

### **Молитва восьмая, ко Господу нашему Иисусу Христу**

Многомилостиве и Всемилостиве Боже мой, Господи Иисусе Христе, многия ради любви шшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать и дар, но долг паче. Ей, многий в щедротах и неизреченный в милости! Веруй бо в Мя, рекл еси, о Христе мой, жив будет и не узрит смерти во веки. Аще убо вера, яже в Тя, спасает отчаянных, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел, отнюд оправдающих мя. Но та вера моя да довлéет вместо всех, та да отвещает, та да оправдит мя, та да покажет мя причастника славы Твоея вечныя. Да не убо похитит мя сатана и похвалится, Слове, еже отторгнути мя от Твоея руки и ограды; но или хочу, спаси мя, или не хочу, Христе Спасе мой, предвари скоро, скоро погибох: Ты бо еси Бог мой от чрева матери моея. Сподоби мя, Господи, ныне возлюбити Тя, якоже возлюбих иногда той самый грех; и паки поработати Тебе без лени тощно, якоже поработах прежде сатане лстывому. Наипаче же поработаю Тебе, Господу и Богу моему Иисусу Христу, во вся дни живота моего, ныне и присно, и во веки веков.

Аминь.

### **Молитва девятая, ко Ангелу хранителю**

Святый Ангеле, предстай окаянной моей души и страстной моей жизни, не остави мене, грешнаго, ниже отступи от мене за невоздержание мое. Не даждь места лукавому демону обладати мною насильством смертнаго сего телесе; укрепь бедствующую и худую мою руку и настави мя на путь спасения. Ей, святый Ангеле Божий, хранителю и покровителю окаянных моея души и тела, вся мне прости, еликими тя оскорбих во вся дни живо та моего, и аще что согреших в прешедшую ночь сию, покрый мя в настоящий день и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страхе Своем и достойна покажет мя раба Своея благодати. Аминь.

### **Молитва десятая, ко Пресвятой Богородице**

Пресвятая Владычице моя Богородице, святыми Твоими и всеильными мольбами отжени от мене, смиренного и окаянного раба Твоего, уныние, забвение, неразумие, нерадение и вся скверная, лукавая и хульная помышления от окаянного моего сердца и от помраченного ума моего; и погаси пламень страстей моих, яко нищ есмь и окаянен. И избави мя от многих и лютых воспоминаний и предприятий, и от всех действий злых свободи мя. Яко благословенна еси от всех родов, и славится пречестное имя Твое во веки веков. Аминь.

## **Молитвенное призывание святого, имя которого носишь**

Моли́ Бога о мне, святы́й уго́дник Божий (имя), яко аз усердно к тебе прибегаю, скорому помощнику и молитвеннику о душе моей.

## **Песнь Пресвятой Богородице**

Богородице Дево, радуйся, Благодатная Мари́е, Господь с Тобою; благословенна Ты в женах, и благословен Плод чрева Твоего, яко Спаса родила еси душ наших.

## **Тропарь Кресту и молитва за отечество**

Спаси́, Господи, люди Твоя и благослови́ достояние Твое, победы православным христи́аном на сопротивныя даруя и Твое сохраняя Крестом Твоим жи́тельство.

## **Молитва о живых**

Спаси́, Господи, и помилуй отца моего духовнаго (имя), родителей моих (имена), сродников (имена), начальников, наставников, благодетелей (имена) и всех православных христи́ан.

## **Молитва об усопших**

Упокой, Господи, души усопших раб Твоих: родителей моих (имена), сродников (имена), благодетелей (имена) и всех православных христи́ан, и прости́ им вся согрешения вольная и невольная, и даруй им Царствие Небесное.

*Аще же можеша, чти вместо кратких молитв о живых и усопших сей помянник:*

## **О живых**

Помяни́, Господи Иисусе Христе́, Бо́же наш, милости и щедроты Твоя́ от века́ сущия, ихже ради́ и вочеловечился еси́, и распятие́ и смерть, спасения́ ради́ право́ в Тя верующих, претерпéти избóлил еси́; и воскрес из мёртвых, вознёслся еси́ на Небеса́, и седи́ши одесную́ Бо́га Отца́, и призира́еши на смиренныя мольбы́ всем сердцем призыва́ющих Тя; приклони́ у́хо Твое́ и услы́ши смиренное мо́ление мене́, непотребнаго раба́ Твоего́, в воню́ благоухания́ духовнаго, Тебе́ за вся люди́ Твоя́ приносящаго. И в пе́рвых помяни́ Це́рковь Твою́ Святу́ю, Соборную́ и Апóстольскую, ю́же снабде́л еси́ честною́ Твоею́ Кро́вию, и утверди́, и укрепи́, и расшири́, умно́жи, умири́ и непреобори́му а́довыми врата́ми во веки́ сохрани́; разди́рания́ Церкве́й утиши́, шата́ния языческа́я угаси́, и ересей воста́ния скоро́ разори́, и искорени́, и в ничто́же си́лою Свята́го Твоего́ Ду́ха обрати́. *(Поклон.)*

Спаси́, Господи, и помилуй богохрани́мую страну́ нашу, власти́ и вои́нство ея́, да тихое́ и безмо́льное жити́е проживе́м во правове́рии и во вся́ком благоче́стии и чистоте́. *(Поклон.)*

Спаси́, Господи, и помилуй Вели́каго Господи́на и Отца́ нашего́ Святе́йшаго Патри́арха Алекси́я, преосвяще́нныя митрополи́ты, архиепи́скопы и епи́скопы правосла́вныя, и весь свяще́ннический и ино́ческий чин, и весь приче́т церко́вный, я́же поста́вил еси́ па́сти словесное́ Твое́ ста́до, и моли́твами их помилуй и спаси́ мя, грешнаго. *(Поклон.)*

Спаси, Господи, и помилуй отца моего духовного (имя) и святыми его молитвами прости моя согрешения. *(Поклон.)*

Спаси, Господи, и помилуй родители моя (имена), братию и сестры, и сродники моя по плоти, и вся ближняя рода моего, и други, и даруй им мирная Твоя и премирная блага. *(Поклон.)*

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедях же и скорбех, обстояниих и пленениих, темницах же и заточениих, изряднее же в гонениих, Тебе ради и веры Православныя, от язык безбожных, от отступник и от еретиков, сущия рабы Твоя, и помяни я, посети, укрепи, утеши и вскоре силою Твоею ослабу, свободу и избаву им подаждь. *(Поклон.)*

Спаси, Господи, и помилуй благотворящая нам, милующия и питающия нас, давшия нам милостыни и заповедавшия нам, недостойным, молиться о них, и упокоивающия нас, и сотвори милость Твою с ними, даруя им вся, яже ко спасению, прошения, и вечных благ восприятие. *(Поклон.)*

Спаси, Господи, и помилуй посланная в службу, путешествующия, отцы и братию нашу и вся православныя христианы. *(Поклон.)*

Спаси, Господи, и помилуй ихже аз безумием моим соблазних и от пути спасительнаго отвратих, к делом злым и неподобным приведох; Божественным Твоим Промыслом к пути спасения паки возврати. *(Поклон.)*

Спаси, Господи, и помилуй ненавидящая и обидящая мя, и творящая ми напасти, и не остави их погибнути мене ради грешнаго. *(Поклон.)*

Отступившия от Православныя веры и погибельными ересми ослепленныя светом Твоего познания просвети и Святей Твоей Апостольстей Соборней Церкви причти. *(Поклон.)*

## Об усопших

Помяни, Господи, от жития сего отшедшия правочестныя цари и царицы, благоверныя князи и княгини, святейшия патриархи, преосвященныя митрополиты, архиепископы и епископы православныя, во иерействе же и в причте церковнем, и монашеством чине Тебе послужившия, и в вечных Твоих селениих со святыми упокой. *(Поклон.)*

Помяни, Господи, души усопших рабов Твоих, родителей моих (имена) и всех сродников по плоти; и прости их вся согрешения вольная и невольная, даруя им Царствие и причастие вечных Твоих благих и Твоей безконечныя и блаженныя жизни наслаждение. *(Поклон.)*

Помяни, Господи, и вся в надежди воскресения и жизни вечныя усопшия, отцы и братию нашу, и сестры, и zde лежащая и повсюду, православныя христианы, и со святыми Твоими, идеже присещает свет лица Твоего, всели, и нас помилуй, яко Благ и Человеколюбец. Аминь. *(Поклон.)*

Подаждь, Господи, оставление грехов всем прежде отшедшим в вере и надежди воскресения, отцем, братьям и сестрам нашим, и сотвори им вечную память. *(Трижды.)*

## Окончание молитв

Достойно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без исления Бога Слова рождшую, сущую Богородицу Тя величаем<sup>4</sup>.

---

<sup>4</sup> От Пасхи до Вознесения вместо этой молитвы читаются припев и ирмос 9-й песни пасхального канона: Ангел вопиаше Благодатней: Чистая Дево, радуйся! И паки реку: радуйся! Твой Сын воскрес тридневен от гроба и мертвыя воздвигнувый; людие, веселитесь! Светися, светися, новый Иерусалиме, слава бо Господня на тебе возсия. Ликуй ныне и веселися, Сионе. Ты

Сла́ва, и ны́не:

Го́споди, поми́луй. (*Трижды.*)

Го́споди Иису́се Христе́, Сы́не Бо́жий, моли́тв ра́ди Пречи́стыя Твоея́ Ма́тере, преподо́бных и богоно́сных отец на́ших и всех святы́х, поми́луй нас. Ами́нь.

## **Молитвы в продолжение дня**

### **Молитва Иисусова**

Господи Иисусе Христе, Сыне Божий, помилуй мя, грешного.

## **Молитва святого Ефрема Сирина**

Господи и Владыко живота моего, дух праздности, уныния, любоначалия и праздности не даждь ми. Дух же целомудрия, смиренномудрия, терпения и любви даруй ми, рабу Твоему. Ей, Господи, Царю, даруй ми зрети моя прегрешения и не осуждати брата моего, яко благословен еси во веки веков. Аминь.

## **Молитва Оптиных старцев**

Господи, дай мне с душевным спокойствием встретить все, что принесёт мне наступающий день. Дай мне всецело предаться воле Твоей святой. На всякий час сего дня во всем наставь и поддержи меня. Какие бы я ни получил известия в течение дня, научи меня принять их со спокойною душою и твердым убеждением, что на все святая воля Твоя. Господи, во всех словах и делах моих руководи моими мыслями и чувствами. Во всех непредвиденных случаях не дай мне забыть, что все ниспослано Тобою. Научи меня прямо и разумно действовать с каждым членом семьи моей, никого не смущая и не огорчая. Господи, дай мне силу перенести утомление наступающего дня и все события в течение дня. Руководи моею волею и научи меня каяться, молиться, верить, надеяться, терпеть, прощать и любить всех. Аминь.

## **Ежедневная молитва святителя Филарета Московского**

Господи, не знаю, чего мне просить у Тебя. Ты один ведаешь, что мне нужно. Ты любишь меня па́че, нежели я умею любить себя. Отче, даждь рабу́ Твоему́, чего́ сам я просить не умею. Не дерзаю просить ни креста́, ни утешения: то́лько предстою́ пред Тобою. Сердце мое́ Тебе́ отве́рсто; Ты зришь ну́жды, кото́рых я не знаю. Зри и сотвори́ по ми́лости Твое́й. Порази́ и исцели́, низложи́ и поды́ми меня́. Благоговéю и безмо́лвствую́ пред Твое́ю свято́ю волею́ и непостижи́мыми для́ меня́ Твоими́ судьба́ми. Приношу́ себя́ в же́ртву Тебе́. Нет у меня́ друго́го жела́ния, крóме жела́ния исполнять волю́ Твою́. Научи́ меня́ моли́ться. Сам во мне моли́сь! Ами́нь.

## **Молитва перед выходом из дома**

Отрицаюся тебе, сатанó, гордыни твоей и служению тебе, и сочетаюся Тебе, Христе, во имя Отца, и Сына, и Святаго Духа. Аминь. *(И оградить себя крестным знаменем.)*

## Молитвы перед началом всякого доброго дела

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

### Тропарь, глас 2

Творче и Создателю всяческих, Боже, дела рук наших, к славе Твоей начинаемая, Твоим благословением спешно исправь, и нас от всякаго зла избави, яко един Всесилен и Человеколюбец.

### Кондак, глас 6

Скорый в заступление и крепкий в помощь, предстани благодатию силы Твоея ныне, и благословив укрепь, и в совершение намерения благаго дела рабов Твоих произведи: вся бо елика хочещи, яко Сильный Бог, творити можещи.

*Или:*

Господи Иисусе Христе, Сыне Единородный Безначальнаго Твоего Отца, Ты рекл еси пречистыми усты Твоими: яко без Мене не можете творити ничесоже. Господи мой, Господи, верою объемь в души моей и сердца Тобою реченная, припадаю Твоей благодати: помози ми, грешному, сие дело, мною начинаемо, о Тебе Самем совершити, во имя Отца, и Сына, и Святаго Духа. Аминь.

*Или:*

Господи, благослови.

## **Молитвы по окончании всякого дела**

Исполнение всех благих Ты еси, Христе мой, исполни радости и веселия душу мою и спаси мя, яко един Многомилостив.

*Или:*

Досто́йно есть яко во́истину блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херувим и сла́внейшую без сравне́ния Серафим, без ислéния Бо́га Сло́ва ро́ждшую, су́щую Богоро́дицу Тя велича́ем.

*Или:*

Сла́ва Тебе́, Го́споди!

## Молитвы перед учением

Царю Небесный...

*Или:*

Преплагий Господи! Низпосли нам благодать Духа Твоего Святаго, дарствующаго и укрепляющаго душевныя наша силы, дабы внимающе преподаваемому нам учению, возрасли мы Тебе, нашему Создателю, во славу, родителем же нашим на утешение, Церкви и отечеству на пользу.

## Молитвы после учения

Достойно есть...

*Или:*

Благодарим Тебе, Создателю, яко сподобил еси нас благодати Твоея, во еже внимати учению. Благослови наших начальников, родителей и учителей, ведущих нас к познанию блага, и подаждь нам силу и крепость к продолжению учения сего.

## Молитвы перед вкушением пищи

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

*Или:*

Очи всех на Тя, Господи, уповают, и Ты даеши им пищу во благовремени, отверзаеши Ты щедрую руку Твою и исполняеши всякое животно благоволения.

## **Молитва на благословение пищи и питья мирянами**

Господи Иисусе Христе, Боже наш, благослови нам пищу и питье молитвами Пречистой Твоей Матере и всех святых Твоих, яко благословен еси во веки. Аминь. (И перекрестить пищу и питье.)

## **Молитва после вкушения пищи**

Благодарим Тя, Христэ Бóже наш, яко насытил еси нас земных Твоих благ; не лишй нас и Небэснаго Твоего Царствия, но яко посреде учеников Твоих пришёл еси, Спасе, мир дай им, прииди к нам и спаси нас.

## **Благодарение за всякое благодеяние Божие**

### **Тропарь, глас 4**

Благодарни суще недостойнии раби Твои, Господи, о Твоих великих благодеяниях, на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

### **Кондак, глас 3**

Твоих благодеяний и даров туне, яко раби непотребнии, сподобльшися, Владыко, к Тебе усердно притекающе, благодарение по силе приносим и Тебе, яко Благодетеля и Творца славяще, вопием: слава Тебе, Боже Всещедрый.

Слава, и ныне:

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, едина вскоре предстательствующая.

## **Об умножении любви и искоренении ненависти и всякой злобы**

### **Тропарь, глас 4**

Союзом любви апостолы Твоя связавый, Христе, и нас, Твоих верных рабов, к Себе тем крепко связав, творити заповеди Твоя и друг друга любить нелицемерно сотвори, молитвами Богородицы, едины Человеколюбче.

### **Кондак, глас 5**

Пламенем любви распали к Тебе сердца наша, Христе Боже, да тою разжигаемы, сердцем, мыслию же и душею, и всею крепостию нашею возлюбим Тя и искренняго своего, яко себе, и повеления Твоя храняще, славим Тя, всех благ Дателя.

## **О ненавидящих и обидящих нас**

### **Тропарь, глас 4**

О распённых Тя моли́вайся, любоду́шне Го́споди, и рабо́м Твои́м о вразе́х моли́тися повеле́вый, ненави́дящих и оби́дящих нас прости́ и от вся́каго зла и лука́вства к братолю́бному и добродете́льному наста́ви жи́тельству, смире́нно мольбу́ Тебе́ прино́сим; да в согла́сном единомы́слии сла́вим Тя, еди́наго Человеколю́бца.

### **Кондак, глас 5**

Якоже перво́мученик Твой Стефа́н о убива́ющих его́ моля́ше Тя, Го́споди, и мы, припада́юще, мо́лим: ненави́дящих всех и оби́дящих нас прости́, во е́же ни еди́ному от них нас ра́ди поги́бнути, но всем спасти́ся благода́тию Твое́ю, Бо́же всеще́дрый.

Во время бедствия и при нападении врагов

### **Тропарь, глас 4**

Скоро предвари́, пре́жде да́же не порабо́тимся враго́м, хуля́щим Тя и претя́щим нам, Христе́ Бо́же наш: погуби́ Кресто́м Твои́м борю́щая нас, да уразуме́ют, ка́ко мо́жет правосла́вных ве́ра, моли́твами Богоро́дицы, еди́не Человеколю́бче.

### **Кондак, глас 8**

Возбра́нный Воево́до и Го́споди, а́да Победите́лю! Яко изба́влься от ве́чныя сме́рти, похва́льная воспису́ю Ти, создáние и раб Твой; но яко имéяй милосе́рдие неизрече́нное, от вся́ких мя бед свободи́, зову́ща: Иису́се, Сы́не Бо́жий, поми́луй мя.

## **О путешествующих**

### **Тропарь, глас 2**

Путь и Истина сый, Христэ, спутника Ангела Твоего рабом Твоим ныне, якоже Товии иногда, послѣ сохраняюща, и невредимых, к славе Твоей, от всякаго зла во всяком благополучии соблюдающа, молитвами Богородицы, еди́не Человеколю́бче.

### **Кондак, глас 2**

Луце́ и Кле́бе во Еммау́с спутешествовавый, Спа́се, шествуй и ныне рабом Твоим, путешествовати хотящим, от всякаго избавляя их злаго обстояния: вся бо Ты, яко Человеколюбец, мо́жеши хотя́й.

## **О болящих**

### **Тропарь, глас 4**

Скóрый в заступлении еди́н сый, Христé, скóрое свы́ше покажи посещение страждущему рабу́ Твоему́, и избáви от недúг и горьких болéзней; и воздвигни во ё́же пéти Тя и сла́вити непреста́нно, моли́твами Богорóдицы, еди́не Человеколю́бче.

### **Кондак, глас 2**

На одре́ болéзни лежа́щаго и сме́ртною ра́ною уязвленнаго, я́коже иногда́ воздвигл еси́, Спа́се, Петро́ву те́щу и осла́бленнаго на одре́ носима́го, си́це и ны́не, Милосéрде, стражду́щаго посети́ и исцели́: Ты бо еди́н еси́ недúги и болéзни ро́да на́шего понесый́ и вся могый́, я́ко Многоми́лостив.

## Об усопших

### Тропари, глас 4

Со дүхи праведных скончавшихся дүшу раба Твоего, Спасе, упокой, сохраняя ю во блаженней жизни, яже у Тебе, Человеколюбче.

В покоещи Твоем, Господи, идеже вси святїи Твои упокоеваются, упокой и дүшу раба Твоего, яко един еси Человеколюбче.

Слава: Ты еси Бог, сошедый во ад и узы окованных разрешивый, Сам и дүшу раба Твоего упокой. И ныне: Еди́на Чистая и Непоро́чная Де́во, Бо́га без семене ро́ждшая, моли спастися души его́.

### Седален, глас 5

Покой, Спасе наш, с праведными раба Твоего и сего всели во дворы Твоя, якоже есть писано, презирая, яко Благ, прегрешения его вольная и невольная и вся яже в ведении и не в ведении, Человеколюбче.

### Кондак, глас 8

Со святыми упокой, Христэ, дүшу раба Твоего, идеже несть болéзнь, ни печаль, ни вздыхание, но жизнь безконечная.

### Икос

Сам един еси Безсмертный, сотворивый и создавый человека, земнии убо от земли создахомся и в землю туюжде пойдём, якоже повелел еси, Создавый мя, и рекий ми: яко земля еси и в землю отыдеши, аможе вси человецы пойдём, надгробное рыдание творяще песнь: Аллилу́иа, аллилу́иа, аллилу́иа.

## Правило от осквернения

*Аще случится кому искушиться во сне по действию диаволу, встав, твори поклоны, глаголя:*

Бóже, мѣлостив бѹди мне, грѣшному.

Гóсподи Иисѹсе Христѣ, Сыне Бóжий, моли́тв ради Пречѣстѣя Твоея Мáтере и всех святѣх, помѣлуй нас. Амѣнь.

Слáва Тебѣ, Бóже наш, слáва Тебѣ.

Царю́ Небесный, Утѣшителю, Душе́ истины,

Иже вездѣ сый и вся исполня́й, Сокроби́ще благи́х и жи́зни Подáтелю, прииди́ и всели́ся в ны, и очисти ны от всякия сквѣрны, и спаси́, Бла́же, души́ наша.

Святѣй Бóже, Святѣй Кре́пкий, Святѣй Безсме́ртный, помѣлуй нас. (*Чтется трижды, с крестнымъ знаменіем и пояснымъ поклономъ.*)

Слáва, и ны́не:

Пресвятáя Трѣице, помѣлуй нас: Гóсподи, очисти грехи́ наша; Влады́ко, прости́ беззаконіа́ наша; Святѣй, посети́ и исцели́ немо́щи наша, имене́ Твоего́ ради.

Гóсподи, помѣлуй. (*Трижды.*)

Слáва, и ны́не:

Отче наш, Иже еси́ на Небесѣхъ! Да святѣ́тся и́мя Твое́, да приидет Цáрствие Твое́, да бѹдет во́ля Твоя́, я́ко на Небесѣхъ, и на земли́. Хлебъ наш насѹщный даждь нам днесь; и остави́ нам дол́ги наша, я́коже и мы оставля́ем должнико́м нашимъ; и не введи́ нас во искуше́ние, но избáви нас от лука́ваго.

Гóсподи, помѣлуй. (*12 раз.*)

Слáва, и ны́не:

Приидите, поклонѣ́мся Царѣви́ нашему́ Бо́гу.

(*Поклон.*)

Приидите, поклонѣ́мся и припадѣ́м Христу́, Царѣви́ нашему́ Бо́гу. (*Поклон.*)

Приидите, поклонѣ́мся и припадѣ́м Самому́

Христу́, Царѣви́ и Бо́гу нашему́. (*Поклон.*)

## Псалом 50

Помѣлуй мя, Бóже, по вели́цей мѣлости Твое́й и по мно́жеству щедро́т Твои́х очисти беззакóние мое́. Наипáче омы́й мя от беззаконіа́ моего́ и от грехá моего́ очисти мя; я́ко беззакóние мое́ аз знаю́, и грех мой предо мною́ есть вѣ́ну. Тебѣ́ еди́ному согрешихъ и лука́вое пред Тобою́ сотвори́х; я́ко да оправди́шися во словесѣхъ Твои́х, и победи́ши, внегда́ судити Ти. Се бо в беззакóнныхъ зачатъ есмь, и во гресѣхъ роди́ мя ма́ти моя́. Се бо истину возлюбѣ́л еси́; безвѣ́стная и та́йная премѹдрости Твоея́ явилъ ми еси́. Окропи́ши мя иссо́пом, и очищу́ся; омы́еши мя, и па́че снѣга убелю́ся. Слѹху моему́ да́си ра́дость и весѣ́лие; возра́дуются ко́сти смире́нныя. Отврати́ лице́ Твое́ от грех мои́х и вся беззаконіа́ моя́ очисти. Сѣрдце́ чисто́ сози́жди во мне, Бóже, и дух правъ обнови́ во утробѣ́ мое́й. Не отвѣ́ржи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасѣ́ния Твоего́ и Ду́хом Влады́чнимъ утверди́ мя. Научу́ беззакóнныя путе́м Твои́м, и нечестѣ́вни к Тебѣ́ обратѣ́тся. Избáви мя от крове́й, Бóже, Бóже спасѣ́ния моего́; возра́дуется язы́къ мой пра́вде Твое́й. Гóсподи, устне́ мои́ отвѣ́рзеши, и уста́ моя́ возвестѣ́ят хвалу́ Твою́. Я́ко а́ще бы восхотѣ́л еси́ жѣ́ртвы, дал быхъ ѹ́бо: всесо́жже́ния не благово́лиши. Жѣ́ртва Бо́гу духъ сокруше́н; сѣрдце́ сокруше́нно и смире́нно Бог не уничи́жит. Убла́жи,

Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

### Тропари, глас 7

Пастырю добрый, душу Твою положи вы о нас, сведый сокровенная, содеянная мною, единому Блаже, упаси мя, разумом заблудшаго, и исхити мя от волка, Агнче Божий, и помилуй мя. Отягчен сном уныния, помрачюся прелестью греховною; но даруй ми утро покаяния, просвещая очи мысленныя, Христе Боже, просвещение души моея, и спаси мя.

Мгложу греховною и сластми житейскими сплетаю ум окайныя души моея, страсти различныя раждает и в помысл умиления не приходит. Но ущедри, Спасе, смирение мое и даждь ми помысл умиления, да и аз спасаю прежде конца воззову благоутробию Твоему: Господи Христе Спасе мой, отчаяннаго спаси мя и недостойнаго.

Яко впадый в разбойники и уязвен, тако и аз впадох во многия грехи, и уязвена ми есть душа.

К кому прибегну повинный аз, токмо к Тебе, милосердому душ Врачу: излей на мя, Боже, великую

Твою милость.

Слава: Яко блудный сын, приидох и аз, Щедре: приими мя, Отче, возвращающаяся, яко единого от наемник Твоих, Боже, и помилуй мя.

И ныне: Избави, Богородице, от обдержавших нас грехов, яко иного упования, вернии, не имамы, разве Тебе и от Тебе рождаемого Господа.

Господи, помилуй. (40 раз.)

Таже 8 поклонов с молитвою:

Боже, милостив ми буди и прости мя, блуднаго, за имя Твое святое.

### Молитва первая, святого Василия Великого

Паки запят бых окайнный умом и лукавым обычаем, работая греху. Паки князь тмы и страстных сладостей родитель пленена мя сотвори и, якоже раба смиренного, тог хотением и желанием плотским работати принуждает мя. И что сотворю, Господи мой, и Избавителю, и Заступниче уповающим на Тя, аще не к Тебе паки возвращуся, и постеню, и милости испрошу о содеянных мною? Но боюсь и трепещу, да не како всегда исповедаяся и отступить злых обещаюся, и на кийждо час согрешаю; и не воздав молитвы моея Тебе, Богу моему, долготерпение Твое воздвигну к негодованию. И кто стерпит гнев Твой, Господи? Ведый убо множество щедрот Твоих и пучину человеколюбия Твоего, паки возвращаю себе на милость Твою и взываю Ти: еже согреших, прости. Помилуй мя, падшаго, даждь ми руку помощи, в тине сластей погруженному. Не остави, Господи, создание Твое растлится беззаконии моими и грехи моими, но, обычным Твоим милосердием и благодатию умоляю, избави от кала и скверны телесныя, и страстных помышлений, оскверняющих всегда душу мою окайнную: се бо, Господи, якоже зриши, несть в ней места чиста, но вся проказися, и все тело обьят язва. Сам убо, Человеколюбче, Врачу душ и телес и милости источник, очисти ту слез моих течением, сия изливая на мя обильно, излей на мя человеколюбие Твое, и даждь ми исцеление и очищение, и исцели сокрушение мое, и не отврати лица Твоего от мене, да не якоже вещь, пояст мя отчаяния огонь, но якоже рекл еси, неложный Боже, яко велия радость бывает на Небеси о едином грешнике кающемся, сие сотвори на мне, грешнем, и не затвори ушью благоутробия Твоего в молитве покаяния моего, но отверзи их и, яко кадилу, исправи ту пред Тобю: веши бо немощь естества, Создателю, и удобь поплзновение юности, и тяжесть тела, и презираеши грехи, и

покаяние приѣмлеши призывающих Тя истинною. Яко благословися и прославися пречестное и великолепое имя Твое, Отца, и Сына, и Святаго Духа, ныне и присно, и во веки веков. Аминь.

### **Молитва вторая, того же святого**

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со инеми всеми беззаконии моими, и яви мя нескверна, Владыко, за благодать Христа Твоего, и освати мя нашеством Пресвятаго Твоего Духа; яко да возбнув от мглы нечистых привидений диавольских и всякия скверны, сподоблюся чистою совестью отверсти скверная моя и нечистая уста и воспевати всесвятое имя Твое, Отца, и Сына, и Святаго Духа, ныне и присно, и во веки веков. Аминь.

Достоинно есть яко воистину блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне:

Господи, помилуй. (*Трижды.*)

*И отпуст:*

Господи Иисусе Христе, Боже наш, молишь ради Пречистыя Твоея Матере и всех святых, спаси мя, грешнаго.

### **Молитва от осквернения**

Господи Боже наш, еди́не Благий и Человеколюбче, еди́не Святы́й и во святы́х почи́вай, Иже верховному Твоему́ апостолу Петру́ яви́вый видением, ничто́же скверно или́ нечисто мнѣти от Тебе́ сотворенных на пи́щу и в наслажде́ние челове́ком, и сосудо́м Твои́м избра́нным, апосто́лом Па́влом, вся чи́ста чи́стым заповѣда́вый, Ты Сам, Влады́ко Пресвяты́й, призыва́нием стра́шнаго и пречи́стаго Твоего́ и́мене и зна́мением Честна́го и Животворя́щаго Креста́ благослови́ и очисти́ мя, раба́ Твоего́ (имя), оскверни́шагося от вся́каго неприязненнаго ду́ха, от вся́каго мечта́ния и га́да ядови́таго, от вся́каго беззакония́ и от вся́кия ле́сти, от вся́каго потво́ра и от вся́кия суе́ты, и от вся́каго недуга́, и вся́кия я́зи, и от вся́каго проти́внаго злоде́йства диаво́ля. И ны́не недостойна́го мене́, раба́ Твоего́ (имя), сподоби́ по Твоему́ милосе́рдию служи́ти Пречи́стым Твои́м Та́инам. И пре́жде очисти́ ми ду́шу и те́ло от вся́кия скверны́ и оста́ви вся́кое прегреше́ние, во́льное и нево́льное, е́же согреши́х во вся́ дни живота́ моего́ де́лом, сло́вом и помышле́нием, во дни и в но́щи, и до ны́нешняго часа́. И даждь ми, Господи, служи́ение си́е стра́шное Небе́сных чино́в и прича́стие Пречи́стых Твои́х Та́ин не в суд, ни во осужде́ние, но в проше́ние грехо́в и в Ду́ха Свята́го прише́ствие, и живо́т присносу́щныя ра́дости, е́гоже угото́вал еси́ и́стинным Твои́м служе́бником. Сохрани́ мя, Влады́ко всеси́льне, от вся́каго греха́ и злобы́, соблюди́ нескверна́ и непоро́чна от вся́кия прока́зы проти́внаго диаво́ля; и даждь ми, Господи, служи́ти Тебе́ в преподо́бии и пра́вде до послѣдняго дне, и часа́, и сконча́ния моего́: Ты бо еси́ благословля́яй и освяща́яй вся́ческая, Христе́ Бо́же наш, и Тебе́ сла́ву возсыла́ем, со Безнача́льным Твои́м Оте́цем и Пресвяты́м и Благи́м и Животворя́щим Твои́м Ду́хом, ны́не и присно, и во ве́ки веко́в. Аминь.

## Молитвы на сон грядущим

Во имя Отца, и Сына, и Святаго Духа. Аминь.

Господи Иисусе Христе, Сыне Божий, моли нас ради Пречистой Твоей Матери, преподобных и богоносных отцов наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Трижды.)*

Слава, и ныне:

Пресвятая Троице, помилуй нас: Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава, и ныне:

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари

Помилуй нас, Господи, помилуй нас; всякаго бо ответа недоумюще, сию Ти молитву яко Владыце грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне, яко благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющиеся на Тя да не погибнем, но да избавимся Тобю от бед: Ты бо еси спасение рода христианскаго.

Господи, помилуй. *(12 раз.)*

## Молитва первая, святого Макария Великого, к Богу Отцу

Боже вечный и Царю всякаго создания, сподобивый мя даже в час сей dospети, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон прейти в мире, да востав от смиреннаго ми лбжа, благоугожду пресвятому имени Твоему во вся дни живота моего и поперу борющия мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков. Аминь.

## Молитва вторая, святого Антиоха, ко Господу нашему Иисусу Христу

Вседержителю, Слово Отчее, Сам совершен сый, Иисусе Христе, многаго ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамоле змиине и желанию сатанину не остави мене, яко семя тли во мне есть. Ты убо, Господи Боже покланяемый, Царю Святой, Иисусе Хри-

стѣ, спяща мя сохрани немерцающим светом, Духом Твоим Святым, Имже освятил еси Твоя ученики. Дажь, Господи, и мне, недостойному рабу Твоему, спасение Твое на ложе моем: просвети ум мой светом разума святого Евангелия Твоего, душу любовью Креста Твоего, сердце чистотою словес Твоего, тело мое Твоею страстию безстрастною, мысль мою Твоим смирением сохрани и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

### **Молитва третья, ко Пресвятому Духу**

Господи, Царю Небесный, Утешителю, Душе истины, умиласердися и помилуй мя, грешнаго раба Твоего, и отпусти ми, недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветал кого гневом моим, или опечалих, или о чем прогневахся; или солгал, или безгодно спал, или нищ прииде ко мне, и презрел его; или брата моего опечалих, или свадих, или кого осудил; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радил, или ино что содеях лукавое, не помню, та бо вся и больше сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну, и почию, блудный, грешный и окаянный аз, и поклонюся, и воспою, и прослаблю пречестное имя Твое, со Отцем и Единородным Его Сыном, ныне и присно, и во веки. Аминь.

### **Молитва четвертая, святого Макария Великого**

Что Ти принесу или что Ти воздам, великодаровитый Безсмертный Царю, Щедре и Человеколюбче Господи, яко ленящаяся мене на Твое угождение и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди, грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, единые Безгрешные, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И послы ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственные мольбы. Ей, Господи, услыши мя, грешнаго и убогаго раба Твоего, изволением и совестью; даруй ми воставшу словесем Твоим поучитися и уныние бесовское далече от мене отгнано быти сотвори Твоими Ангелы; да благословлю имя Твое святое, и прослаблю, и славлю Пречистую Богородицу Марию, Юже дал еси нам, грешным, заступление, и прими Сию молящуюся за ны; вем бо, яко подражает Твое человеколюбие и молящаяся не престаёт. Тоя заступлением, и Честнаго Креста знаменем, и всех святых Твоих ради, убогую душу мою соблюди, Иисусе Христе Боже наш, яко Свят еси и препрославлен во веки. Аминь.

### Молитва пятая

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя посли, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу, и Сыну, и Святому Духу, ныне и присно, и во веки веков. Аминь.

### Молитва шестая

Господи Боже наш, в Негоже веровахом, и Егоже имя паче всякаго имени призываем, даждь нам, ко сну отходящим, ослабу души и телу, и соблюди нас от всякаго мечтания и темных сласти кроме; устави стремление страстей, угаси разжжения востания телеснаго. Даждь нам целомудренне пожити дела и словеса; да добродетельное жителство восприемлюще, обетованных не отпадём благих Твоих, яко благословен еси во веки. Аминь.

### Молитва седьмая, святого Иоанна Златоустого (24 молитвы, по числу часов дня и ночи)

<sup>1</sup> Господи, не лиши мене небесных Твоих благ. <sup>2</sup> Господи, избави мя вечных мук. <sup>3</sup> Господи, умом ли или помышлением, словом или делом согреших, прости мя. <sup>4</sup> Господи, избави мя всякаго неведения, и забвения, и малодушия, и окамененнаго нечувствия. <sup>5</sup> Господи, избави мя от всякаго искушения. <sup>6</sup> Господи, просвети мое сердце, еже помрачи лукавое похотение. <sup>7</sup> Господи, аз яко человек согреших, Ты же яко Бог щедр помилуй мя, видя немощ души моея. <sup>8</sup> Господи, посли благодать Твою в помощь мне, да прославлю имя Твое святое. <sup>9</sup> Господи Иисусе Христе, напиши мя, раба Твоего, в книзе животней и даруй ми конец благий. <sup>10</sup> Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. <sup>11</sup> Господи, окропи в сердце моем росу благодати Твоея. <sup>12</sup> Господи Небесе и земли, помяни мя, грешнаго раба Твоего, студнаго и нечистаго, во Царствии Твоем. Аминь. <sup>1</sup> Господи, в покаянии приими мя. <sup>2</sup> Господи, не остави мене. <sup>3</sup> Господи, не введи мене в напасть. <sup>4</sup> Господи, даждь ми мысль благу. <sup>5</sup> Господи, даждь ми слезы, и память смертную, и умиление. <sup>6</sup> Господи, даждь ми помысл исповедания грехов моих. <sup>7</sup> Господи, даждь ми смирение, целомудрие и послушание. <sup>8</sup> Господи, даждь ми терпение, великодушие и кротость. <sup>9</sup> Господи, всели в мя корень благих, страх Твой в сердце мое. <sup>10</sup> Господи, сподоби мя любити Тя от всея души моея и помышления и творити во всем волю Твою. <sup>11</sup> Господи, покрый мя от человек некоторых, и бесов, и страстей, и от всякия иныя неподобныя вещи. <sup>12</sup> Господи, веси, яко твориши, якоже Ты волиши, да будет воля Твоя и во мне, грешнем, яко благословен еси во веки. Аминь.

### Молитва восьмая, ко Господу нашему Иисусу Христу

Господи Иисусе Христе, Сыне Божий, ради честнейшия Матере Твоея, и безплотных Твоих Ангел, Пророчка же и Предтечи и Крестителя Твоего, богоглаголивых же апостол, светлых и добropобедных мученик, преподобных и богоносных отцев, и всех святых молитвами,

избáви мя настоящаго обстоянiя бесóвскаго. Ей, Гóсподи мой и Твóрче, не хотяй смéрти грéшнаго, но якоже обрати́тися и живу́ бы́ти е́му, даждь и мне обраще́ние, окаянному и недостóйному; изми́ мя от уст па́губнаго зми́я, зияющаго пожре́ти мя и свести́ во ад жи́ва. Ей, Гóсподи мой, утеше́ние моё, Иже мене́ ра́ди окаяннаго в тле́нную плоть оболки́йся, истóргни мя от ока́янства и утеше́ние пода́ждь ду́ши моёй окая́нней. Всади́ в се́рдце моё твори́ти Твоя́ повеле́ния, и оста́вити лука́вая де́яния, и получи́ти блаже́нства Твоя́: на Тя бо, Гóсподи, упова́х, спаси́ мя.

### **Молитва девятая, ко Пресвятой Богородице, Петра Студийского**

К Тебе́, Пречи́стей Бóжией Ма́тери, аз окая́нный, припа́дая, молю́ся: ве́си, Цари́це, яко́ беспреста́ни согреша́ю и прогневля́ю Сы́на Твоего́ и Бóга моего́, и мно́гажды а́ще ка́юся, лож пред Бо́гом обрета́юся, и ка́юся трепéща: не ужéли Госпо́дь поразит́ мя, и по часé па́ки та́яжде творю́; ве́дущи сия́, Влады́чице моя́ Госпоже́ Богородице, молю́, да поми́луеши, да укрепи́ши, и бла́гая твори́ти да пода́си ми. Ве́си бо, Влады́чице моя́ Богородице, яко́ отню́д има́м в ненави́сти зла́я моя́ дела́ и все́ю мы́слию люблю́ зако́н Бóга моего́; но не вем, Госпоже́ Пречи́стая, отку́ду я́же ненави́жду, та и люблю́, а бла́гая преступа́ю. Не попу́щай, Пречи́стая, во́ли моёй соверша́тися, не угодна́ бо есть, но да бу́дет во́ля Сы́на Твоего́ и Бóга моего́: да мя спасéт, и вразуми́т, и пода́ст благода́ть Свята́го Ду́ха, да бых аз отселе́ престал́ скверноде́йства и прóчее пожи́л бых в повеле́нии Сы́на Твоего́, Е́муже подоба́ет вся́кая сла́ва, честь и держа́ва, со Безнача́льным Его́ Отце́м, и Пресвяты́м и Благи́м и Животворя́щим Его́ Ду́хом, ны́не и при́сно, и во ве́ки веко́в. Ами́нь.

### **Молитва десятая, ко Пресвятой Богородице**

Блага́го Царя́ Бла́гая Ма́ти, Пречи́стая и Благослове́нная Богородице Мари́е, ми́лость Сы́на Твоего́ и Бóга на́шего изле́й на стра́стную мою́ ду́шу и Твоими́ моли́твами наста́ви мя на де́яния бла́гая, да прóчее вре́мя живота́ моего́ без порóчка преи́ду и Тобю́ рай да обря́щу, Богородице Де́во, еди́на Чи́стая и Благослове́нная.

### **Молитва одиннадцатая, ко святому Ангелу хранителю**

Ангеле́ Христов, храни́телю мой святы́й и покрови́телю ду́ши и те́ла моего́, вся ми про́сти, ели́ка согреша́х во дне́шний день, и от вся́каго лука́вствия проти́внаго ми врага́ избáви мя, да ни в ко́емже гресе́ прогне́ваю Бóга моего́; но моли́ за мя, грéшнаго и недостóйнаго раба́, яко́ да досто́йна мя пока́жеша́ бла́гости и ми́лости Всесвяты́я Трои́цы и Ма́тере Гóспода моего́ Иису́са Христа́ и всех святы́х. Ами́нь.

### **Кондак Богородице**

Взбра́нной Воево́де победи́тельная, яко́ избáвльшеся от злых, благода́рственная воспи́сuem Ти раби́ Твой, Богородице, но яко́ иму́щая держа́ву непобеди́мую, от вся́ких нас бед свободи́, да зове́м Ти: Ра́дуйся, Невéсто Неве́стная.

Пресла́вная Присноде́во, Ма́ти Христа́ Бóга, принеси́ на́шу моли́тву Сы́ну Твоему́ и Бóгу на́шему, да спасéт Тобю́ ду́ши на́ша.

Все упова́ние моё на Тя возлага́ю, Ма́ти Бб́жия, сохрани́ мя под кро́вом Твоим.

Богородице Де́во, не прэ́зри мене́, грéшнаго, тре́бующа Твоея́ по́мощи и Твоего́ заступле́ния, на Тя бо упова́ душа́ моя́, и поми́луй мя.

### Молитва святого Иоанникия

Упование мое Отец, прибежище мое Сын, покров мой Дух Святой: Троице Святая, слава Тебе.

Досто́йно есть яко воистину блажить Тя, Богородицу, Присноблаженную и Пренепорочную и Мать Б́ога нашего. Честнейшую Херувим и славнейшую без сравнения Серафим, без истления Б́ога Слова рождшую, сущую Богородицу Тя величаем.

Слава, и ныне:

Ѓсподи, помилуй. (*Трижды.*)

Ѓсподи Иису́се Христе́, Сыне Б́жий, моли́тв ради Пречистыя Твоея́ Ма́тере, преподобных и богоносных оте́ц наших и всех святых, помилуй нас. Ами́нь.

### Молитва святого Иоанна Дамаскина

Влады́ко Человеколю́бче, не ужели мне одр сей гроб бу́дет, или́ еще́ окаянную мою́ ду́шу просвети́ши днем? Се ми гроб предлежи́т, се ми сме́рть предстои́т. Судя́ Твоего́, Ѓсподи, бою́ся и му́ки безконечныя, зло́е же творя́ не престаю́: Тебе́, Ѓспода Б́ога моего́, всегда́ прогневляю́, и Пречистую Твою́ Ма́терь, и вся Небе́сныя Си́лы, и свята́го Ангела хранителя́ моего́. Вем у́бо, Ѓсподи, яко́ недосто́ин есмь человеколю́бия Твоего́, но досто́ин есмь вся́каго осужде́ния и му́ки. Но, Ѓсподи, или́ хошу́, или́ не хошу́, спаси́ мя. Аще бо пра́ведника спасе́ши, ничто́же ве́лие; и аще чи́стаго поми́луеши, ничто́же дивно́: досто́йни бо суть ми́лости Твоея́. Но на мне, грешнем, удиви́ ми́лость Твою́: о сем яви́ человеколю́бие Твое́, да не одоле́ет моя́ злоба́ Твоей неизглаго́ланней бла́гости и милосе́рдию, и яко́же хо́щеша, устрой о мне вещь.

Просвети́ очи мои́, Христе́ Б́же, да не когда́ усну́ в сме́рть, да не когда́ рече́т враг мой: укрепихся на него́.

Слава: Засту́пник ду́ш моея́ бу́ди, Б́же, яко́ посреде́ хожду́ сетей мно́гих; изба́ви мя от них и спаси́ мя, Бла́же, яко́ Человеколю́бец.

И ны́не: Пресла́вную Б́жию Ма́терь и святых́ Ангел Святи́шую, немол́чно воспои́м се́рдцем и усты́, Богороди́цу сию́ испове́дающе, яко́ воисти́и ну рождшую́ нам Б́ога воплоще́нна и моля́щуюся непреста́нно о ду́шах наших́.

*Зна́менуй себя́ крестом и чти:*

### Молитва Честному и Животворящему Кресту

Да воскреснет Бог, и расточа́тся врази́ Его́, и да бежа́т от лица́ Его́ ненави́дящии Его́. Яко́ исчеза́ет дым, да исче́знут; яко́ та́ет воск от лица́ огня́, та́ко да поги́бнут бе́си от лица́ лю́бящих Б́ога, и зна́менующихся крестным зна́мением, и в весе́лии глаго́лющих: ра́дуйся, Пречестный́ и Животворя́щий Кресте́ Господе́нь, прогоня́й бе́сы си́лою на тебе́ пропя́таго Ѓспода нашего́ Иису́са Христа́, во ад шедша́го, и попра́вшаго си́лу диа́волу, и дарова́вшаго нам тебе́ Крест Свой Честный́ на прогна́ние вся́каго супоста́та. О Пречестный́ и Животворя́щий Кресте́ Господе́нь! Помога́й ми со Свято́ю Госпоже́ю Де́вою Богороди́цею и со все́ми святы́ми во ве́ки. Ами́нь.

*Или́ кратко:*

Огради́ мя, Ѓсподи, си́лою Честна́го и Животворя́щаго Твоего́ Креста́ и сохрани́ мя от вся́каго зла.

## Молитва

Ослаби, остави, прости, Бже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

## Молитва

Невидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам, недостойным, молиться о них помилуй по велицей Твоей милости. Помяни, Господи, прежде усопших отец и братьев наших и упокой их, идеже присещает свет лица Твоего. Помяни, Господи, братьев наших плененных и избави я от всякаго обстояния. Помяни, Господи, плодоносящих и доброделяющих во святых Твоих церквах и даждь им яже ко спасению прошения и жизнь вечную. Помяни, Господи, и нас, смиренных, и грешных, и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистой Владычицы нашея Богородицы и Приснодевы Марии всех Твоих святых: яко Благословен еси во веки веков. Аминь.

## Исповедание грехов повседневное

Исповедую Тебе, Господу Богу моему и Творцу, во Святей Троице Единому, славному и поклоняемому, Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшие дни и нощи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостыжанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлбием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе, Бога моего и Творца, прогневах и ближняго моего онеправдовах; о сих жалея, винна себе Тебе, Богу моему, представляю и имею волю каяться: точною, Господи Бже мой, помози ми, со слезами смиренно молю Тя: прешедшая же согрешения моя милосердием Твоим прости ми и разреши от всех сих, яже из глаголах пред Тобю, яко Благ и Человеколюбец.

*Когда отходишь ко сну, произноси:*

В руке Твоей, Господи Иисусе Христе, Бже мой, предаю дух мой: Ты же мя благослови, Ты мя помилуй и живот вечный даруй ми. Аминь.

# Каноны

## покаянный ко Господу нашему Иисусу Христу, молебный ко Пресвятой Богородице и Ангелу хранителю с акафистом Иисусу Сладчайшему

### глас 6

### Песнь 1

*Ирмос:* Яко по сѹху пешешествовав Израиль, по бѣздне стопами, гонителя фараона видя потопляема, Богу побѣдную песнь поим, вопияше.

### Господу Иисусу Христу

*Припев*<sup>5</sup>: Помилуй мя, Бже, помилуй мя.

Ныне приступих аз, грешный и обремененный, к Тебе, Владыце и Богу моему; не смею же взирати на небо, токмо молюся, глаголя: даждь ми, Господи, ум, да плачуся дел моих горько.

*Припев:* Помилуй мя, Бже, помилуй мя.

О, горе мне, грешному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

*Припев:* Помилуй мя, Бже, помилуй мя.

Безумне, окаянен человек, в лености время губиши; помысли житие твое, и обратися ко Господу Богу, и плачися о делех твоих горько.

*Припев:* Пресвятая Богородице, спаси нас.

Мати Божия Пречистая, воззри на мя, грешного, и от сети диаволи избави мя, и на путь покаяния настави мя, да плачуся дел моих горько.

### Пресвятой Богородице

*Припев:* Пресвятая Богородице, спаси нас.

Многими содержимь напастьми, к Тебе прибегаю, спасения ищый. О Мати Слова и Дево, от тяжких и любых мя спаси.

*Припев:* Пресвятая Богородице, спаси нас.

Страстей мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

*Припев:* Пресвятая Богородице, спаси нас.

Спаса рождшую Тя и Бога, молю, Дево, избавитися ми любых: к Тебе бо ныне прибегая, простираю и душу, и помышление.

*Припев:* Пресвятая Богородице, спаси нас.

---

<sup>5</sup> В канонах припев как молитвенное воззвание произносится перед тропарями каждой песни, но не читается перед тропарями, начинающимися со Слава, и ныне.

Недугующа телом и душею, посещения Божественнаго и промышленія от Тебѣ сподоби, едина Богомати, яко Благая, Благаго же Родительница.

### **Ангелу хранителю**

*Припев:* Господи Иисусе Христе, Боже мой, помилуй мя.

Песнь воспѣти и восхвалити, Спасе, Твоего раба достойно сподоби, безплотному Ангелу, наставнику и хранителю моему.

*Припев:* Святыи Ангеле Божий, хранителю мой, моли Бога о мне.

Един аз в неразумии и в лености ныне лежу, наставниче мой и хранителю, не остави мене погибаяща.

Слава: Ум мой твоею молитвою направи, творити ми Божия повеления, да получу от Бога отдание грехов, и ненавидети ми злых настави мя, молюся ти.

И ныне: Молися, Девице, о мне, рабѣ Твоем, ко Благодателю, со хранителем моим Ангелом, и настави мя творити заповеди Сына Твоего и Творца моего.

### **Песнь 3**

*Ирмос:* Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

### **Господу Иисусу Христу**

*Припев:* Помилуй мя, Боже, помилуй мя.

Внегда поставлени будут престолы на Судийци Страшнем, тогда всех человек дела обличатся; горе тамо будет грешным, в муку отсылаемым; и то ведущи, душе моя, покайся от злых дел твоих.

*Припев:* Помилуй мя, Боже, помилуй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

*Припев:* Помилуй мя, Боже, помилуй мя.

Увы мне, великогрешному, иже делы и мыслями осквернився, ни капли слез имею от жестосердия; ныне возникни от земли, душе моя, и покайся от злых дел твоих.

*Припев:* Пресвятая Богородице, спаси нас.

Се, взывает, Госпоже, Сын Твой и поучает нас на доброе, аз же грешный добра всегда бѣгаю, но Ты, Милостивая, помилуй мя, да покаюся от злых моих дел.

### **Пресвятой Богородице**

*Припев:* Пресвятая Богородице, спаси нас.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

*Припев:* Пресвятая Богородице, спаси нас.

Молб, Дево, душевное смущение и печали моея бурю разорити: Ты бо, Богоневестная, Начальника тишины Христа родила еси, едина Пречистая.

*Припев:* Пресвятая Богородице, спаси нас.

Благодетеля рождши добрых виновнаго, благодѣяния богатство всем источи, вся бо можеш, яко сильнаго в крепости Христа рождши, Богоблаженная.

*Припев:* Пресвятая Богородице, спаси нас.

Лютыми недуги и болезненными страстьми истязаему, Дево, Ты ми помози: исцелений бо неоскудное Тя знаю сокровище, Пренепорочная, неизживаемое.

### **Ангелу хранителю**

*Припев:* Святыи Ангеле Божий, хранителю мой, моли Бога о мне.

Все помышление мое и душу мою к тебе возложих, хранителю мой, ты от всякия мя напасти вражия избави.

*Припев:* Святыи Ангеле Божий, хранителю мой, моли Бога о мне.

Враг попирает мя, и озлобляет, и поучает всегда творити своя хотения; но ты, наставниче мой, не остави мене погибающа.

Слава: Пети песнь со благодарением и усердием Творцу и Богу даждь ми и тебе, благому Ангелу хранителю моему; избавителю мой, изми мя от враг, озлобляющих мя.

И ныне: Исцели, Пречистая, моя многонедужныя струпы, яже в души; прожени враги, иже присно борются со мною.

Господи, помилуй. (*Трижды.*)

### **Седален, глас 6**

Помышляю день страшный и плачуся деяний моих лукавых: како отвещаю Безсмертному Царю илии коим дерзновением воззрю на Судию, блудный аз? Благоутробный Отче, Сыне Единородный и Душе Святыи, помилуй мя.

Слава:

### **Седален, глас 2**

От любви душевныя вопию ти, хранителю моея души, всесвятый мой Ангеле: покрый мя, и соблюди от лукаваго ловления всегда, и к жизни настави небесней, вразумляя, и просвещая, и укрепляя мя.

И ныне:

### **Богородичен**

Богородице безвестная Пречистая, Яже без семени рождши всех Владыку, Того со Ангелом хранителем моим моли избавити ми ся всякаго недоумения и дати умиление и свет души моей, и согрешением очищение, Яже едина вскоре заступающи.

### **Песнь 4**

*Ирмос:* Христос моя сила, Бог и Господь, честная Церковь боголепно поет, зывающи, от смысла чиста, о Господе празднующи.

### **Господу Иисусу Христу**

*Припев:* Помилуй мя, Бже, помилуй мя.

Широк путь zde и угóдный сла́сти творити, но горько бóдет в послéдний день, егда́ душа́ от тéла разлучáтися бóдет; блюди́ся от сих, челове́че, Цáрствия ра́ди Бóжия.

*Припев:* Помилуй мя, Бóже, помилуй мя.

Почтó убо́гаго обидиши, мзду наёмни́чу удéржуеши, бра́та твоего́ не любиши, блуд и гордо́сть го́ниши? Оста́ви у́бо сия́, душе́ моя́, и пока́йся Цáрствия ра́ди Бóжия.

*Припев:* Помилуй мя, Бóже, помилуй мя.

О безумный челове́че, докóле углеба́еши, я́ко пчела́, собира́ющи бога́тство твое́? Вскóре бо поги́бнет, я́ко прах и пéпел: но бóлее взыщи́ Цáрствия Бóжия.

*Припев:* Пресвята́я Богороди́це, спаси́ нас.

Госпо́же Богороди́це, помилуй мя, грéшнаго, и в добродéтели укрепи́, и соблюди́ мя, да на́глая смерть не похитит мя негото́ваго; и доведи́ мя, Де́во, Цáрствия Бóжия.

### **Пресвятой Богородице**

*Припев:* Пресвята́я Богороди́це, спаси́ нас.

Страсте́й моих смущéние, Кóрмчию рóждшая  
Гóспода, и бóрю утиши́ моих прегрешéний, Богоневéстная.

*Припев:* Пресвята́я Богороди́це, спаси́ нас.

Милосéрдия Твоего́ бéздну призыва́ющу пода́ждь ми, Яже Благосéрдаго рóждшая и Спа́са всех пою́щих Тя.

*Припев:* Пресвята́я Богороди́це, спаси́ нас.

Наслажда́ющися, Пречи́стая, Твои́х дарова́ний, благодарственное воспевáем пéние, ве́дуще Тя Богома́терь.

*Припев:* Пресвята́я Богороди́це, спаси́ нас.

На одре́ болéзни моея́ и нéмощи низлежа́щу ми, я́ко Боголюбива, помози́, Богороди́це, еди́на Присноде́во.

*Припев:* Пресвята́я Богороди́це, спаси́ нас.

Наде́жду, и утвержде́ние, и спасéния стéну недви́жиму иму́ще Тя, Всепéтая, неудобства вся́каго избавля́емся.

### **Ангелу хранителю**

*Припев:* Святы́й Ангеле Бóжий, хранителю́ мой, моли́ Бóга о мне.

Моли́ Человеколю́бца Бóга ты, хранителю́ мой, и не оста́ви мене́, но присно в ми́ре жити́е моё соблюди́ и пода́ждь ми спасéние необоримое.

*Припев:* Святы́й Ангеле Бóжий, хранителю́ мой, моли́ Бóга о мне.

Яко заступника́ и хранителя́ животу́ моему́ прие́мь ты от Бóга, Ангеле, молю́ тя, святы́й, от вся́ких мя бед свободи́.

Сла́ва: Мою́ скверно́сть твоею́ святы́нею очисти́, хранителю́ мой, и от ча́сти шу́ия да отлучён бóду моли́твами твоими́, и прича́стник сла́вы явлю́ся.

И ны́не: Недоуме́ние предлежит ми от обыше́дших мя зол, Пречи́стая, но изба́ви мя от них ско́ро: к Тебе́ бо еди́ней прибе́гох.

### **Песнь 5**

*Ирмо́с:* Бóжиим свéтом Твои́м, Бла́же, у́тренующих Ти ду́ши любóвию озари́, молю́ся, Тя ве́дети, Сло́ве Бóжий, истиннаго Бóга, от мра́ка грехóвнаго вызыва́юща.

## Господу Иисусу Христу

*Припев:* Помилуй мя, Бже, помилуй мя.

Вспомяни, окаянный челове́че, како́ лжам, клеветам, разбо́ю, немо́щем, лю́бтым зверём грехо́в ра́ди порабо́щен еси́; ду́ше моя́ грёшная, то́бо ли восхоте́ла еси́?

*Припев:* Помилуй мя, Бже, помилуй мя.

Трепе́шут ми у́ди, все́ми бо сотвори́х вину́: очима́ взира́яй, у́шима́ слы́шай, язы́ком зла́я глаго́ляй, всего́ себе́ геённо преда́й; ду́ше моя́ грёшная, се́го ли восхоте́ла еси́?

*Припев:* Помилуй мя, Бже, помилуй мя.

Блудника́ и разбо́йника ка́ющася прия́л еси́, Спа́се, аз же еди́н ле́ностию грехо́вною отягчи́хся и злым деломъ порабо́тихся; ду́ше моя́ грёшная, се́го ли восхоте́ла еси́?

*Припев:* Пресвята́я Богоро́дице, спаси́ нас.

Дивная и ско́рая Помощница́ всем челове́ком,

Ма́ти Бо́жия, помози́ ми, недостойному́, ду́ша́ бо моя́ грёшная то́бо восхоте́.

## Пресвятой Богородице

*Припев:* Пресвята́я Богоро́дице, спаси́ нас.

Исполни, Чи́стая, весе́лия се́рдце моё, Твою́ нетле́нную даю́щи ра́дость, весе́лия рождша́я Виновна́го.

*Припев:* Пресвята́я Богоро́дице, спаси́ нас.

Иза́ви нас от бед, Богоро́дице Чи́стая, ве́чное рождши́ избавле́ние и мир, всяк ум преиму́щий.

*Припев:* Пресвята́я Богоро́дице, спаси́ нас.

Разреши́ мглу́ прегреше́ний мо́их, Богоневесто́, просвеще́нием Твое́я́ све́тлости, Свет рождша́я Боже́ственный и преве́чный.

*Припев:* Пресвята́я Богоро́дице, спаси́ нас.

Исцели́, Чи́стая, ду́ши мое́я немо́жение, посеще́ния Твоего́ сподо́бльшая, и здра́вие моли́твами Тво́ими пода́ждь ми.

## Ангелу хранителю

*Припев:* Святы́й Ангеле́ Бо́жий, храни́телю мой, моли́ Бо́га о мне.

Яко́ имёя дерзнове́ние к Бо́гу, храни́телю мой святы́й, се́го умоли́ от оскорбля́ющих мя зол изба́вити.

*Припев:* Святы́й Ангеле́ Бо́жий, храни́телю мой, моли́ Бо́га о мне.

Све́те све́тлый, све́тло просвети́ ду́шу мою́, наста́вниче мой и храни́телю, от Бо́га да́нный ми Ангеле́.

Сла́ва: Спя́ща мя зле́ тягото́ю грехо́вною́ яко́ бдя́ща сохрани́, Ангеле́ Бо́жий, и возста́ви мя на славосло́вие моле́нием тво́им.

И ны́не: Мари́е, Госпоже́ Богоро́дице безневёстная, наде́ждо ве́рных, вра́жия возноше́ния низложи́, пою́щая же Тя́ возвесели́.

## Песнь 6

*Ирмо́с:* Жите́йское мо́ре воздвиза́емое зря́ напáстей бу́рею, к ти́хому приста́нищу Твоему́ прите́к, вопию́ Ти: возведи́ от тли живо́т мой, Многоми́лостиве.

## Господу Иисусу Христу

*Припев:* Помилуй мя, Бóже, помилуй мя.

Жити́е на землѣ блудно пожих и ду́шу во тму преда́х, ны́не ўбо молю́ Тя, Милостивый Влады́ко: свободи́ мя от рабо́ты сея́ вра́жия и даждь ми ра́зум творити́ волю́ Твою́.

*Припев:* Помилуй мя, Бóже, помилуй мя.

Кто творитъ такова́я, якоже аз? Якоже бо свиния́ лежи́т в калу́, та́ко и аз греху́ служу́. Но Ты, Го́споди, исторгни́ мя от гну́са сегó и даждь ми се́рдце творити́ за́поведи Твоя́.

*Припев:* Помилуй мя, Бóже, помилуй мя.

Восприя́ни, окая́нный челове́че, к Бо́гу, воспомина́ув своя́ согреше́ния, припа́дая ко Творцу́, слезя́ и стеля́; Той же, яко́ Милосе́рд, даст ти ум зна́ти волю́ Свою́.

*Припев:* Пресвята́я Богоро́дице, спаси́ нас.

Богоро́дице Де́во, от ви́димаго и неви́димаго зла сохрани́ мя, Пречи́стая, и приими́ моли́твы моя́, и донеси́ я́ Сы́ну Твоему́, да даст ми ум творити́ волю́ Его́.

## Пресвятой Богородице

*Припев:* Пресвята́я Богоро́дице, спаси́ нас.

Сме́рти и тли́ яко́ спасл е́сть, Сам Ся́ изда́в сме́рти, тле́нием и сме́ртию моё естество́ я́то бы́вшее,

Де́во, моли́ Го́спода и Сы́на Твоего́ враго́в злоде́йствия мя изба́вити.

*Припев:* Пресвята́я Богоро́дице, спаси́ нас.

Предста́тельница Тя живота́ вем, и Храни́тельницу твёрду, Де́во, и напа́стей реша́щу молвы́, и налбги́ бесо́в отгоня́ющу; и молю́ся всегда́, от тли́ страсте́й моих́ изба́вити мя.

*Припев:* Пресвята́я Богоро́дице, спаси́ нас.

Яко́ стéну прибе́жища стяжа́хом, и душ́ всесовершенство́е спасе́ние, и простра́нство в ско́рбех, Отрокови́це, и просвеще́нием Твои́м при́сно раду́емся. О Влады́чице, и ны́не нас от страсте́й и бед спаси́.

*Припев:* Пресвята́я Богоро́дице, спаси́ нас.

На одре́ ны́не немощствуйя́ лежу́, и несть исцеле́ния плóти мое́й; но, Бо́га и Спа́са ми́ру и Изба́вителя́ недуго́в рожда́шая, Тебе́ молю́ся, Благо́й: от тли́ недуѓ возста́ви мя.

## Ангелу хранителю

*Припев:* Святы́й Ангеле́ Божий, храни́телю мой, моли́ Бо́га о мне.

Вся́ких мя напа́стей свободи́ и от печа́лей спаси́, молю́ся ти, святы́й Ангеле́, да́нный ми от Бо́га, храни́телю мой до́брый.

*Припев:* Святы́й Ангеле́ Божий, храни́телю мой, моли́ Бо́га о мне.

Освети́ ум мой, бла́же, и просвети́ мя, молю́ся ти, святы́й Ангеле́, и мы́слити ми по́лезная́ всегда́ наста́ви мя.

Сла́ва: Уста́ви се́рдце моё от настоя́щаго мяте́жа, и бде́ти укрепи́ мя во благо́их, храни́телю мой, и наста́ви мя чу́дно к ти́шине́ живóтней.

И ны́не: Сло́во Божие́ в Тя всели́ся, Богоро́дице, и челове́ком Тя пока́за небéсную́ ле́ствицу:

Тобю́ бо к нам Вы́шний соше́л е́сть.

Го́споди, помилуй. (*Трижды.*)

Сла́ва, и ны́не:

И абие чтем акафист:

## Акафист Сладчайшему Господу Нашему Иисусу Христу<sup>6</sup>

### Кондак 1

Возбранный Воеводо и Господи, а́да Победителю, яко избавлься от вѣчныя смѣрти, похвѣльная восписую Ти, создание и раб Твой; но яко имѣяй милосѣрдие неизреченное, от всяких мя бед свободи, зовуща: Иисусе, Сыне Божий, помилуй мя.

### Икос 1

Ангелов Творче и Господи Сил, отвѣрзи ми недоумѣнный ум и язык на похвалу пречистаго Твоего имени, якоже глухому и гугнѣвому древле слух и язык отвѣрзл еси, и глаголаше зовый такова́я:

Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, царей укрепление. Иисусе прелюбимый, пророков исполнение; Иисусе предивный, мучеников крепосте. Иисусе претихий, монахов радости; Иисусе премилостивый, пресвитеров сладосте. Иисусе премилосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвѣчный, грешников спасение. Иисусе, Сыне Божий, помилуй мя.

### Кондак 2

Видя вдовицу зельне плачущу, Господи, якоже тогда умилосердився, сына ея, на погребение несѣма, воскресил еси; сице и о мне умилосердися, Человеколюбче, и грехми умерщвленную мою душу воскреси, зовущую: Аллилу́иа.

### Икос 2

Разум неурзумный разумети Филипп ища, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отце есмь? Темже, Незсле́дованне, со страхом зову Ти:

Иисусе, Бже предвѣчный; Иисусе, Царю пресильный. Иисусе, Владыко долготерпеливый; Иисусе, Спасе премилостивый. Иисусе, Хранителю мой преблагий; Иисусе, очисти грехи моя. Иисусе, отыми беззакония моя; Иисусе, отпусти неправды моя. Иисусе, надежда моя, не остави мене; Иисусе, Помощниче мой, не отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

---

<sup>6</sup> Накануне субботы вместо акафиста Иисусу Сладчайшему читается акафист Пресвятой Богородице (см. с. 78).

### Кондак 3

Силою свѣше апѳстолы облекій, Иисусе, во Иерусалиме седящія, облецы и менѣ, обнаженнаго от всякаго благотворѣнія, теплотою Духа Святаго Твоего и даждь ми с любовью пѣти Тебѣ: Аллилуиа.

### Икос 3

Имѣяй богатство милосѣрдія, мытари, и грѣшники, и неврѣныя призвал еси, Иисусе; не презри и менѣ ныне, подобнаго им, но, яко многоцѣнное миро, приими пѣснь сию:

Иисусе, сило непобѣдимая; Иисусе, милосте безконѣчная. Иисусе, красотѣ пресвѣтлая; Иисусе, любви неизрѣченная. Иисусе, Сыне Бога Живаго; Иисусе, помилуй мя, грѣшнаго. Иисусе, услыши мя, в беззаконіих зачатаго; Иисусе, очисти мя, во грѣсѣх рожденнаго. Иисусе, научи мя, непотребнаго; Иисусе, освети мя, темнаго. Иисусе, очисти мя, сквернаго; Иисусе, возведи мя, блуднаго. Иисусе, Сыне Божий, помилуй мя.

### Кондак 4

Бурю внутрь имѣяй помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго и, руку спасенія получив, рече: Аллилуиа.

### Икос 4

Слыша слепый мимоходяща Тя, Господи, путем, вопияше: Иисусе, Сыне Давидов, помилуй мя! И призвав, отвѣрзл еси очи его. Просвети убо милостию Твоею очи мысленныя сѣрдца и менѣ, вопиюща Ти и глаголюща:

Иисусе, вышних Создателю; Иисусе, нижних Искупителю. Иисусе, преисподних Потребителю; Иисусе, всея твари Украсителю. Иисусе, души моея Утѣшителю; Иисусе, ума моего Просветителю. Иисусе, сѣрдца моего весѣлие; Иисусе, тела моего здравіе. Иисусе, Спасе мой, спаси мя; Иисусе, Свѣте мой, просвети мя. Иисусе, муки всякия избави мя; Иисусе, спаси мя, недостойнаго. Иисусе, Сыне Божий, помилуй мя.

### Кондак 5

Боготочною Крѳвию якоже искупил еси нас дрѣвле от законныя клятвы, Иисусе, сѣце изми нас от сѣти, еюже змий запят ны страстьми плотскими, и блудным наважденіем, и злым уныніем, вопиющія Ти: Аллилуиа.

### Икос 5

Видевше отроцы еврейстии во образѣ человечестем Создавшаго рукою человека, и Владыку разумевше Его, потщашася ветвми угодити Ему, осанна вопиюще. Мы же пѣснь приносим Ти, глаголюще:

Иисусе, Боже истинный; Иисусе, Сыне Давидов. Иисусе, Царю преславный; Иисусе, Агнче непорѳчный. Иисусе, Пастырю предивный; Иисусе, Хранителю во младости моей.

Иисусе, Кормителю во юности моей; Иисусе, похвалю в старости моей. Иисусе, надежду в смерти моей; Иисусе, живото по смерти моей. Иисусе, утешение мое на Суде Твоем; Иисусе, желание мое, не посрами мене тогда. Иисусе, Сыне Божий, помилуй мя.

### **Кондак 6**

Проповедник богоносных вещание и глаголы исполняя, Иисусе, на земли являясь, и с человеки, Невместимый, пожил еси, и болезни наша подъял еси, отнюдуже ранами Твоими мы исцелившие, пети навывихом: Аллилуиа.

### **Икос 6**

Воссия вселенней просвещение истины Твоея, и отгнася лесь бесовская: идоли бо, Спасе наш, не терпяще Твоея крепости, падоша. Мы же, спасение получивше, вопием Ти:

Иисусе, истинно, лесь отгоняющая; Иисусе, Свете, превышший всех светлостей. Иисусе, Царю, премогающий всех крепости; Иисусе, Боже, пребывающий в милости. Иисусе, Хлебе животный, насыти мя, алчущаго; Иисусе, источниче разума, напои мя, жаждущаго. Иисусе, одеждо веселия, одей мя, тленного; Иисусе, покрове радости, покрый мя, недостойнаго. Иисусе, Подателю просящим, даждь ми плач за грехи моя; Иисусе, обречение ищущим, обрящи душу мою. Иисусе, Отверзителю толкующим, отверзи сердце мое окаянное; Иисусе, Искупителю грешных, очисти беззакония моя. Иисусе, Сыне Божий, помилуй мя.

### **Кондак 7**

Хотя сокровенную тайну от века открыти, яко овча, на заклание веден был еси, Иисусе, и яко Агнец прямо стригущаго его безгласен, и яко Бог из мертвых воскресл еси, и со славою на Небеса вознеслся еси, и нас совоздвигл еси, зовущих: Аллилуиа.

### **Икос 7**

Дивную покажи тварь, являйся Творец нам: безсемене от Девы воплотися; из гроба, печати не рушив, воскресе и ко апостолом, дверем затворенным, с плотию вниде. Темже чудящаяся, воспойм:

Иисусе, Слово необыкновенный; Иисусе, Слово несоглядимый. Иисусе, сило непостижимая; Иисусе, мудрости недомыслимая. Иисусе, Божество неопишанное; Иисусе, господство неисчетное. Иисусе, царство непобедимое; Иисусе, владычество безконечное. Иисусе, крепосте высочайшая; Иисусе, власти вечная. Иисусе, Творче мой, ущедри мя; Иисусе, Спасе мой, спаси мя. Иисусе, Сыне Божий, помилуй мя.

### **Кондак 8**

Странно Бога вочеловечшаяся видяще, устранимся суетнаго мира и ум на Божественная возложим. Сего бо ради Бог на землю сниде, да нас на Небеса возведет, вопиющих Ему: Аллилуиа.

### **Икос 8**

Весь бе в нижних, и вышних никакоже отступи, Неисчотный, егда волею нас ради пострада, и смертию Своею нашу смерть умертви, и воскресением живот дарова поющим:

Иисусе, сладосте сердечная; Иисусе, крепосте телесная. Иисусе, светлосте душевная; Иисусе, быстрото умная. Иисусе, радосте совестная; Иисусе, надеждо известная. Иисусе, памяти предвечная; Иисусе, похвало высокая. Иисусе, славо моя превознесенная; Иисусе, желание мое, не отриимене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

### **Кондак 9**

Все естество Ангельское безпрестани славит пресвятое имя Твое, Иисусе, на Небеси, Свят, Свят, Свят вопиюще; мы же, грешнии, на земли бранными устнами вопием: Аллилуиа.

### **Икос 9**

Вития многовещанныя якоже рыбы безгласныя видим о Тебе, Иисусе, Спасе наш: недоумеют бо глаголати, како Бог непреложный и Человек совершенный пребываеши? Мы же, таинству дивящися, вопием верно:

Иисусе, Боже предвечный; Иисусе, Царю царствующих. Иисусе, Владыко владеющих; Иисусе, Судие живых и мертвых. Иисусе, надеждо ненадежных; Иисусе, утешение плачущих. Иисусе, славо нищих; Иисусе, не осуди мя по делом моим. Иисусе, очисти мя по милости Твоей; Иисусе, отжени от мене уныние. Иисусе, просвети моя мысли сердечныя. Иисусе, даждь ми память смертную. Иисусе, Сыне Божий, помилуй мя.

### **Кондак 10**

Спастии хотя мир, Восточе востоком, к темному западу, естеству нашему, пришед, смирился еси до смерти; темже превознесся имя Твое паче всякаго имени, и от всех колен Небесных и земных слышиши: Аллилуиа.

### **Икос 10**

Царю Превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхеа мытаря, да вопием Ти, во умилении зовуще:

Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одеяние; Иисусе, вдов заступление. Иисусе, сирых Защит ниче; Иисусе, труждающихся помощи. Иисусе, страннх Наставниче; Иисусе, плавающих Кормчий. Иисусе, бурных отишие; Иисусе Боже, воздвигни мя, падшаго. Иисусе, Сыне Божий, помилуй мя.

### Кондак 11

Пѣние всеумилѣнное приношу Ти недостойный, вопию Ти, яко хананѣа: Иисусе, помилуй мя; не дочь бо, но плоть и́мам, страстьми лю́те бесящуюся и яростию пали́мую, и исцелѣние даждь вопиющу Ти: Аллилу́иа.

### Икос 11

Светоподательна светилника сущим во тме не разумия, прежде гоняй Тя Пáвел, богоразумнаго гласа силу внуши и душевную быстроту уясни; сице и менѣ темныя зѣницы душевныя просвети, зовуща:

Иисусе, Царю мой прекрѣпкий; Иисусе, Бже мой пресильный. Иисусе, Гбсподи мой пребезсмѣртный; Иисусе, Создателю мой преславный. Иисусе, Наставниче мой предобрый; Иисусе, Пастырю мой прещѣдрый. Иисусе, Владыко мой премилостивый; Иисусе, Спасе мой милосѣрдый. Иисусе, просвети моя чувства, потемненная страстьми; Иисусе, исцели мое тѣло, острупленное грехми. Иисусе, очисти мой ум от помыслов суетных; Иисусе, сохрани сердце мое от похотей лукавых. Иисусе, Сыне Бжгий, помилуй мя.

### Кондак 12

Благодать подаждь ми, всех долгов Решителю, Иисусе, и прими мя кающаяся, якоже приял еси Петра, отвергшагося Тебѣ, и призови мя унывающего, якоже древле Павла, гоняща Тя, и услыши мя, вопиюща Ти: Аллилу́иа.

### Икос 12

Поюще Твое вочеловѣчение, восхваляем Тя вси и веруем со Фомою, яко Господь и Бог еси, седяй со Отцем и хотяй судити живым и мертвым. Тогда́ убо сподоби мя деснаго стояния, вопиющаго:

Иисусе, Царю предвѣчный, помилуй мя; Иисусе, цвѣте благовонный, облагоухай мя. Иисусе, теплото любимая, огрей мя; Иисусе, храмѣ предвѣчный, покрый мя. Иисусе, одѣждо свѣтлая, украси мя; Иисусе, бисере честный, осияй мя. Иисусе, каменю драгий, просвети мя; Иисусе, Солнце Правды, освети мя. Иисусе, Свѣте святой, облистай мя; Иисусе, болѣзни душевныя и телесныя избави мя. Иисусе, из руки сопротивныя изми мя; Иисусе, огня негасимаго и прбчих вѣчных мук свободи мя.

Иисусе, Сыне Бжгий, помилуй мя.

### Кондак 13

О пресладкий и всещѣдрый Иисусе! Прими ныне малое молѣние сие наше, якоже приял еси вдовицы две лѣпте, и сохрани достояние Твое от враг видимых и невидимых, от нашествия иноплемѣнник, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилу́иа.

*Сей кондак читается трижды, также икос первый и кондак первый.*

*Также чтен окончание канонов:*

## Песнь 7

*Ирмос:* Росодательну ўбо пещь содела Ангел преподобным отроком, халдеи же опаляющее веление Божие, мучителя увещая вопити: благословен еси, Боже отец наших.

### Господу Иисусу Христу

*Припев:* Помилуй мя, Боже, помилуй мя.

Не надѣйся, душе моя, на тленное богатство и на неправедное собрание, вся бо сия не вѣси кому оставиши, но возопий: помилуй мя, Христе Боже, недостойнаго.

*Припев:* Помилуй мя, Боже, помилуй мя.

Не уповай, душе моя, на телесное здравие и на скоромимоходящую красоту, видиши бо, яко сильнии и младии умирают; но возопий: помилуй мя, Христе Боже, недостойнаго.

*Припев:* Помилуй мя, Боже, помилуй мя.

Вспомяни, душе моя, вечное житие, Царство Небесное, уготованное святым, и тму кромешную, и гнев Божий злым, и возопий: помилуй мя, Христе Боже, недостойнаго.

*Припев:* Пресвятая Богородице, спаси нас.

Припади, душе моя, к Божией Матери и помолися Той, есть бо скорая Помощница кающимся: умолит Сына, Христа Бога, и помилует мя, недостойнаго.

### Пресвятой Богородице

*Припев:* Пресвятая Богородице, спаси нас.

Наше спасение якоже восхотел еси, Спасе, устроить, во утробу Девы вселился еси, Юже миру Предстательницу показал еси; отец наших

Боже, благословен еси.

*Припев:* Пресвятая Богородице, спаси нас.

Воителя милости, Егже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

*Припев:* Пресвятая Богородице, спаси нас.

Сокровище спасения и источник нетления Тя

Рождшую, и столп утверждения, и дверь покаяния зовущим показал еси: отец наших Боже, благословен еси.

*Припев:* Пресвятая Богородице, спаси нас.

Телесныя слабости и душевныя недуги, Богородительнице, любовью приступающих к крову Твоему, Дево, исцелити сподоби, Спаса Христа нам рождающая.

### Ангелу хранителю

*Припев:* Святой Ангеле Божий, хранителю мой, моли Бога о мне.

Милостив буди ми и умоли Бога, Господень Ангеле, имею бо тя заступника во всем животе моем, наставника же и хранителя, от Бога дарованнагоми во веки.

*Припев:* Святой Ангеле Божий, хранителю мой, моли Бога о мне.

Не остави в путь шествующия души моея окаянныя убить разбойником, святой Ангеле, яже ти от Бога предана бысть непорочно; но настави ю на путь покаяния.

Слава: Всю посрамлену душу мою привожу от лукавых ми помысл и дел; но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне: Премудрости исполни всех и крепости Божественныя, Ипостасная Премудросте Вышняго, Богородицы ради, верою вопиющих: отец наших Боже, благословен еси.

## Песнь 8

*Ирмос:* Из пламене преподобным росу источил еси и праведнаго жертву водбою попалил еси: вся бо твориши, Христе, токмо еже хотети. Тя превозносим во вся веки.

### Господу Иисусу Христу

*Припев:* Помилуй мя, Боже, помилуй мя.

Како не имам плакаться, егда помышляю смерть, видех бо во гробе лежаща брата моего, безславна и безобразна? Что убо чаю и на что надеюся? Токмо даждь ми, Господи, прежде конца покаяние. (Дважды.)

*Припев:* Помилуй мя, Боже, помилуй мя.

Верую, яко приидеши судити живых и мертвых, и вси во своем чину станут, старии и младии, владыки и князи, девы и священницы; где обрящуся аз? Сего ради вопию: даждь ми, Господи, прежде конца покаяние.

*Припев:* Пресвятая Богородице, спаси нас.

Пречистая Богородице, прими недостойную молитву мою, и сохрани мя от наглыя смерти, и даруй ми прежде конца покаяние.

### Пресвятой Богородице

*Припев:* Пресвятая Богородице, спаси нас.

Помощи яже от Тебе требующия не презри, Дево, поющия и превозносящия Тя во веки.

*Припев:* Пресвятая Богородице, спаси нас.

Неможение души моея исцеляеши и телесныя болезни, Дево, да Тя прославлю, Чистая, во веки.

*Припев:* Пресвятая Богородице, спаси нас.

Исцелений богатство изливаеши верно поющим Тя, Дево, и превозносящим неизреченное Твое рождество.

*Припев:* Пресвятая Богородице, спаси нас.

Напастей Ты прилоги отгоняеши и страстей нахобы, Дево; темже Тя поем во вся веки.

### Ангелу хранителю

*Припев:* Святой Ангеле Божий, хранителю мой, моли Бога о мне.

От Бога посланный, утверди живот мой, раба твоего, преблагий Ангеле, и не остави мене во веки.

*Припев:* Святой Ангеле Божий, хранителю мой, моли Бога о мне.

Ангела ты суща блага, души моея наставника и хранителя, преблаженне, воспеваю во веки.

Слава: Будь ми покров и забрало в день испытания всех человек, в оныже огнем искушаются дела благая же и злая.

И ныне: Буди ми Помощница и тишина, Богородице Приснодево, рабу Твоему, и не остави мене лишена быти Твоего владычества.

## Песнь 9

*Ирмос:* Бога человеком невозможно видети, на Негоже не смеют чини Ангельстии взирати; Тобю же, Всечистая, явися человеком Слово Воплощенно, Егоже величающе, с Небесными вои Тя убожаем.

### Господу Иисусу Христу

*Припев:* Помилуй мя, Бже, помилуй мя.

Ныне к вам прибегаю, Ангели, Архангели и вся Небесныя Силы, у Престола Божия стоящии, молитесь ко Творцу своему, да избавит душу мою от муки вечныя.

*Припев:* Помилуй мя, Бже, помилуй мя.

Ныне плачуся к вам, святии патриарси, царие и пророцы, апостоли и святителие и вси избраннии Христовы: помозите ми на Суде, да спасет душу мою от силы вражия.

*Припев:* Помилуй мя, Бже, помилуй мя.

Ныне к вам воздежу рuce, святии мученицы, пустынницы, девственницы, праведницы и всисвятии, молящиися ко Господу за весь мир, да помилует мя в час смерти моея.

*Припев:* Пресвятая Богородице, спаси нас.

Мати Божия, помози ми, на Тя силне надеющемуся, умоли Сына Своего, да поставит мя, недостойнаго, одесную Себе, егда сядет судий живых и мертвых. Аминь.

### Пресвятой Богородице

*Припев:* Пресвятая Богородице, спаси нас.

Тока слез моих не отвратися, Яже от всякаго лица всяку слезу отъемшаго, Дево, Христа рождашая.

*Припев:* Пресвятая Богородице, спаси нас.

Радости мое сердце исполни, Дево, Яже радости приемшая исполнение, греховную печаль потребляющи.

*Припев:* Пресвятая Богородице, спаси нас.

Пристанище и предстательство к Тебе прибегающих буди, Дево, и стена нерушимая, прибежище же, и покров, и веселие.

*Припев:* Пресвятая Богородице, спаси нас.

## **Конец ознакомительного фрагмента.**

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.